



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN:BA39+1020500000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-13719-1-11.3./2024

Datum: 22.08.2024.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 4608-1-2/2024 od 08.08.2024. godine, Uprava Društva na 25. sjednici, održanoj dana 22.08.2024.godine donijela je

O D L U K U
o izboru najpovoljnijeg ponuđača

I

Ugovor za javnu nabavku roba – Kolosiječni pribor, za potrebe JP Željeznice Federacije BiH d.o.o. Sarajevo, dodjeljuje se ponuđaču ASPO RAIL d.o.o. Sarajevo, u iznosu od 675.675,00 KM (bez PDV-a), odnosno 790.539,75 KM (sa PDV-om), tender broj: UD-4608-1/2024.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), tj. kriterija ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-4565-1-5.5./2024 od 15.03.2024. godine odobrila pokretanje otvorenog postupka za javnu nabavku roba – Kolosiječni pribor, za potrebe JP Željeznice FBiH d.o.o. Sarajevo, tender broj: UD-4608-1/2024.

Rješenjem VD Predsjednika Uprave - Generalnog direktora broj: 1-4896-1/2024 od 18.03.2024. godine, te Rješenja o izmjeni Rješenja o imenovanju Komisije broj: 1-6919-1/2024 od 23.04.2024. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Amela Jusić – zamjenik predsjedavajućeg, Želmina Duraković – član, Almasa Trako – član, Amila Velić – zamjenik člana i Faris Čatović – član. Sekretar komisije je Edina Karić.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Obavještenje o nabavci je objavljeno na portalu javnih nabavki dana 04.04.2024. godine, broj obavještenja: 1050-1-1-81-3-59/24. Sažetak Obavještenja o nabavci je objavljen u "Sl. glasniku BiH" broj: 27/2024, dana 19.04.2024. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22), (u daljem tekstu: Zakon), Komisija je dana 25.04.2024. godine u 12:00 sati, izvršila javno otvaranje ponuda. Do roka određenog za prijem ponuda, blagovremeno su dostavljene 2 (dvije) ponude i to:

1. Ponuda grupe ponuđača: **DIV d.o.o. Sarajevo i FARANG TSC d.o.o. Sarajevo**, koji je ponudio sljedeće:

Cijena: 658.315,40 KM (bez PDV-a), odnosno 770.229,02 KM (sa PDV-om),
Uslovi i način plaćanja: 60 dana od dana ispostavljanja fakture za isporučenu robu,
Rok isporuke: 26 dana od dana ispostavljanja narudžbenice od ugovornog organa.

2. Ponuda ponuđača **ASPO RAIL d.o.o. Sarajevo**, koji je ponudio sljedeće:

Cijena: 675.675,00 KM (bez PDV-a), odnosno 790.539,75 KM (sa PDV-om),
Uslovi i način plaćanja: 60 dana od dana ispostavljanja fakture za isporučenu robu,
Rok isporuke: 26 dana od dana ispostavljanja narudžbenice od ugovornog organa.

Komisija je pristupila pregledu i ocjeni ponuda, te prvobitno konstatovala da su obje pristigle ponude prihvatljive, jer su ponuđači dostavili dokaze tražene tenderskom dokumentacijom.

Na osnovu navedenog, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo dala preporuku Upravi Društva za donošenje Odluke o izboru najpovoljnijeg ponuđača, kojom Ugovor za javnu nabavku roba – Kolosiječni pribor, tender broj: UD-4608-1/2024, dodjeljuje grupi ponuđača: DIV d.o.o. Sarajevo i FARANG TSC d.o.o. Sarajevo, u iznosu od 658.315,40 KM (bez PDV-a), odnosno 770.229,02 KM (sa PDV-om), a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

Uprava Društva je prihvatila preporuku Komisije, te je na svojoj 14. sjednici, održanoj dana 22.05.2024. godine donijela Odluku o izboru najpovoljnijeg ponuđača broj: UD-8487-1-5.10./2024, kojom se ugovor dodjeljuje grupi ponuđača DIV d.o.o. Sarajevo i FARANG TSC d.o.o. Sarajevo.

Ugovorni organ je putem Obavještenja broj: 1-8842-1/2024 od 24.05.2024. godine dostavio ponuđačima u postupku predmetnu Odluku o izboru najpovoljnijeg ponuđača i Zapisnik o pregledu i ocjeni ponuda sa preporukom Komisije broj: 4608-1-1/2024 od 14.05.2024. godine.

Po prijemu Obavještenja, ponuđač ASPO RAIL d.o.o. Sarajevo je putem punomoćnika - advokatskog društva ORUĆ&Co d.o.o. Sarajevo uložio Žalbu na Odluku o izboru najpovoljnijeg ponuđača broj: UD-8487-1-5.10./2024, zaprimljenu kod ugovornog organa dana 05.06.2024. godine pod brojem protokola: 45-9471-1/2024.

Ugovorni organ je obustavio postupak javne nabavke putem obavijesti broj: 1-9477-1/2024 od 05.06.2024. godine, te je u skladu sa članom 110. Zakona odgodio nastavak predmetnog postupka javne nabavke do donošenja odluke po Žalbi.

U skladu sa članom 100. Zakona, ugovorni organ je utvrdio da je žalba blagovremena, dopuštena i izjavljena od ovlaštenog lica.

Na osnovu člana 100. stav 5. Zakona o javnim nabavkama ("Službeni glasnik BiH" broj: 39/14 i 59/22), ugovorni organ je u zakonski ostavljenom roku dostavio Uredu za razmatranje žalbi Izjašnjenje na navode žalbe kao i

kompletnu dokumentaciju vezanu za otvoreni postupak javne nabavke roba – Kolosiječni pribor, za potrebe JP Željeznice FBiH d.o.o. Sarajevo, tender broj: UD-4608-1/2024.

Dana 22.07.2024. godine ugovorni organ je zaprimio Rješenje Ureda za razmatranje žalbi broj: JN2-03-07-1-1717-8/24 od 12.07.2024. godine kojim se predmetna žalba ponuđača usvaja i poništava se Odluka o izboru najpovoljnijeg ponuđača broj: UD-8487-1-5.10./2024 od 22.05.2024. godine, te se predmet vraća ugovornom organu na ponovni postupak.

Komisija je u sastavu Maja Deljković Zubčević – predsjedavajući Komisije – Službenik za JN, Želmina Duraković – član, Almasa Trako – član, Amila Velić – zamjenik člana i Eldar Mašić – zamjenik člana, na ponovnom sastanku održanom dana 06.08.2024. godine, u skladu sa Rješenjem Ureda za razmatranje žalbi broj: JN2-03-07-1-1717-8/24 od 12.07.2024. godine, ocijenila ponudu grupe ponuđača DIV d.o.o. Sarajevo i FARANG TSC d.o.o. Sarajevo, nepravilnom, na osnovu člana 2. stav (1) tačka 1) pod 3) Zakona, jer nije u skladu sa tenderskom dokumentacijom.

Naime, kako je navedeno u predmetnom Rješenju Ureda za razmatranje žalbi, tačkom 29.1 TD je propisan rok za prijem ponuda 25.04.2024. godine do 11 sati i 45 minuta. Imajući u vidu da garancija mora važiti u čitavom periodu opcije ponude, da se period važenja ponude računa od isteka roka za podnošenje ponuda (25.04.2024. godine do 11 sati i 45 minuta), a da Garancija za ozbiljnost ponude izabranog ponuđača stupa na snagu 15 minuta nakon krajnjeg roka za prijem ponuda (25.04.2024. godine u 12:00 sati), jasnim se zaključuje da ne važi u čitavom periodu ocjene ponude, jer ne važi početnih 15 minuta, a što nije u skladu sa zahtjevom iz tačke 33.1 TD. Dakle, u prilogu TD data je forma Garancije za ozbiljnost ponude u kojoj je bilo potrebno naznačiti datum i vrijeme roka za predaju ponuda. Ponuđač je u Garanciji koju je dostavio u ponudi naveo vrijeme otvaranja ponuda.

Ponuda se odbacuje u skladu sa članom 68. tačka (4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Na osnovu navedenog, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo dala preporuku Upravi Društva za donošenje Odluke o izboru najpovoljnijeg ponuđača, kojom Ugovor za javnu nabavku roba – Kolosiječni pribor, tender broj: UD-4608-1/2024, dodjeljuje ponuđaču: ASPO RAIL d.o.o. Sarajevo, u iznosu od 675.675,00 KM (bez PDV-a), odnosno 790.539,75 KM (sa PDV-om), a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

Uprava Društva je prihvatila preporuku Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđačima/x2,
- Uz Zapisnik,
- a/a.

VD Predsjednika Uprave – Generalnog direktora



Enis Džafić, mr.ecc.